

四庫全書

史部

欽定四庫全書

史部

西湖志纂卷八

十五

詳校官左都御史_臣李綬

編修_臣程嘉謨覆勘

總校官進士_臣朱鈐

校對官主事_臣盛傳崇

謄錄監生_臣蔡膜

欽定四庫全書

西湖志纂卷八

大學士梁詩正等輯

北山勝蹟

下

自玉泉而南過行春橋迤西至北高峰達靈隱天竺兩山為北山南路

駝嶽嶺 在僊姑山西南神州古史考乾道志

作駝苑今俗呼桃源

行春橋 在宗廟院前大路西湖遊覽志宋時
為左軍教場

雙峰插雲亭 在行春橋西左右正對南北兩峰康
熙三十八年

聖祖仁皇帝御題十景改兩峰為雙峰建亭其處乾隆
十六年春

聖駕南巡

御製雙峰插雲詩

見恭紀
名勝

臣 沈德潛恭和 元韻

兩峰插天天四垂
巖峩半隱雲衣披
南高北高

日相見不比二雷欲鬪時

太湖中大小雷山煙雲隔斷相見即鬪

小行春橋 在九里松左軍教場大路西湖塵

談西山自行春橋迤西直至靈隱三竺余闕送

吳元振之江浙左丞詩言從天竺寺直渡小春

橋是也

水竹塢 在行春橋南舊有水竹之勝

金匱山房集卷八
九里松 在行春橋南集慶寺北西湖遊覽志

唐刺史袁仁敬守杭植松以達靈竺凡九里蒼

翠夾道人稱九里松

乾隆十六年春

聖駕巡幸

御製九里松詩

見恭紀
名勝

九里松亭 在行春橋南迤西舊稱一字門西

湖遊覽志亭有門若一字然故名額題九里松

三字宋吳說書今不存改為路亭尚仍故處其
旁有宜對亭錢氏書藏朱墅麴院皆廢

宜對亭 名勝志九里松有宜對亭葉紹翁書

錢氏書藏 武林紀事錢飲宅飲孝義知名居

九里松之間嘗建傑閣藏書甚富東坡榜之曰

錢氏書藏

朱墅 靈隱寺志梁隱士朱世卿別業在九里

松

麴院 西湖遊覽志九里松旁宋時取金沙澗
之水造麴以釀官酒其地多荷花世稱麴院荷
風

朱行人祠 在九里松萬厯杭州府志祀宋行
人朱弁弁以建炎元年副王倫使金拘留十七

年仗節不屈和議成放歸卒

宋史本傳弁字少章婺源人建炎初

為通問副使金人逼弁任劉豫絕其餼遺以困之弁固拒驛門忍飢待盡誓不為屈金人亦感
動遂不復強紹興十三年和議成
得歸秦檜惡而沮之十四年卒

葬仙芝嶺下

萬歷三十八年提學僉事陳大綬建祠春秋致
祭錢塘縣志祠久廢

國朝康熙三十五年知府馬如龍詳復額支錢塘
縣學租銀五兩致祭

金沙港閘 合天竺靈隱諸山之水過唐家衝
石橋由趙院入湖

仙芝嶺 在九里松南西湖遊覽志俗稱臙脂
嶺下有瑞岡塢香藥澗綠筠坡自北而南通小

麥嶺

普福寺 在臘脂嶺成化杭州府志宗咸淳間

建元趙孟頫重書寺額至正末燬重建

大圓覺寺 在普福寺西成化杭州府志自唐

開山為修證了義法師塔院釋氏稽古略紹興

十三年勅於臨安府西山建天申萬壽圓覺寺

內有歸雲堂三昧正受閣理宗書清涼覺地元

至正燬重建

集慶山 在仙姑山西南西湖遊覽志一名積慶其上多松梓銀杏亦饒橡栗下臨孔道

集慶寺 在集慶山下癸辛雜識淳祐庚戌春創新寺於集慶山改九里松舊路極其輪奐至壬子夏始畢工名顯慈集慶教寺命講師思成為開山教主既而給貴妃閻氏為功德院西湖遊覽志內有三池九井月桂亭金波池並廢東為黑觀音堂亦宋時建

靈竺山門 在飛來峰坊東成化杭州府志靈
山之陰北澗之陽即靈隱寺靈山之南南澗之
陽即天竺寺二寺由一山門入西湖遊覽志唐
時有靈隱天竺寺門袁居中書白居易詩所云
一山門作兩山門是也雲林寺志俗呼方外門
今址尚存

飛來峰坊 在合澗橋南宋僧妙堪建今奉懸
聖祖仁皇帝御書飛來峰三字

合澗橋 在飛來峰路口西湖遊覽志北澗自
靈隱而下南澗自天竺而下合流於此號曰錢

源

靈隱山 總名武林山漢書地理志注武林山

武林水所出咸淳臨安志祥符圖經云高九十

二丈周迴一十二里又曰靈隱曰靈苑曰仙居

詳卽重生武林
山辨見藝文

西湖遊覽志山畔舊有隱居堂

思真堂夢謝亭紫薇亭翠微亭靈鷲寺無垢院

處士徐爽墓無著禪師塔煖泉醴泉並廢

煖泉在冷

泉上一名渴渚

醴泉在東嶼

錢塘縣舊治 水經注浙江東逕靈隱山山下

有錢唐故縣王莽更縣名曰泉亭地理志曰會

稽西部都尉治

隱居堂 西湖遊覽志後漢陸偉建偉字文該

隱居茲山學易圖淮南王劉安及九師像以祀

之又名九師堂

思真堂 陸羽二寺記晉許邁字遠遊建思真堂在靈隱山

夢謝亭 晏公類要晉謝靈運會稽人其父寄養於杜明師師夜夢東南有賢人相訪及曉靈運至故建是亭又名容兒亭

紫薇亭 西湖遊覽志唐紫薇舍人唐詢建

翠微亭 嘉靖浙江通志宋韓世忠忤秦檜解兵柄逍遙湖上自號逍遙居士紹興間建此亭

因岳飛有登池州翠微亭詩故以名亭亦隱痛之也亭在飛來峰半

董其昌登翠微亭詩煙迷楊柳洲水拍芙蓉岸我憶

南湖秋西

山暮雲亂

靈鷲寺

在合澗橋側西湖遊覽志晉開運二

年吳越王建宗嘉熙初改興聖寺有靈山海閣

滴翠軒九品觀堂東坡祠堂元末燬

徐爽墓

西湖遊覽志爽錢唐人隱居湖山宗

徽宗聞其名賜號冲晦先生

無垢院 在靈鷲寺基北院久圯南宋時遷無

著禪師塔於此師名文喜順治庚寅建為塔院

迴龍橋 在合澗橋西雲林寺志吳越時名清

繞橋上有春淙亭

亭舊有合澗橋久圯乾隆癸亥改建於此屬鷄為記

飛來峰 在靈隱山前咸淳臨安志一名靈鷲

峰晏元獻輿地志云晉咸和元年西天竺僧慧

理登茲山嘆曰此是中天竺國靈鷲山之上嶺

不知何年飛來因挂錫造靈鷲寺號其峰曰飛

來西湖遊覽志峰界天竺靈隱兩山之間高不
踰數十丈而怪石森立青蒼玉削若駭豹蹲獅
筆卓劍植衡從偃仰益玩益奇上多異木不假
土壤根生石外矯若遊龍丹葩翠蕤蒙羃聯絡
冬夏長青其下巖扃窈窕屈曲通明壁間布鐫
佛像成削奇古皆六代遺蹟

王安石登飛來峯
詩飛來山上千尋

塔聞說鷄鳴見日昇不畏浮
雲遮望眼自緣身在最高層

國朝康熙二十八年

聖祖仁皇帝南巡

駕幸靈隱

御書飛來峰三字

御製飛來峰詩一首

巖岫峻嶒洞壑奇懸藤古木半迷離
冷泉亭子清溪上誰識源頭混混時

三十八年

聖駕再幸雲林

御製靈鷲詩一首

何處飛來一塊石嵌空巖竇作瓊瓏
下臨巨澗淙淙冷上蔭長松謖謖風

四十二年

聖駕又幸雲林

御製再過靈鷲詩一首

愛此清幽一徑深馬隨泉響入雲林
蒼苔古洞何年鑿脈脈韶光自賞心

皆恭摹勒石崇奉雲林寺中乾隆十六年三月

初四日

聖駕臨幸

御製飛來峰歌

武林山高九十丈迴巒複壑含萬象舊時靈隱今

雲林

靈隱寺康熙年間賜今名

月地雲居虛且朗天龍八部

共諮議宜有奇嵐作屏障

叶

調御丈夫破顏笑何

須爾力勞鞅掌惟西天竺靈鷲峰彈指飛來大方

廣飛來閣浮人不識碧眼胡僧識非誑叶恒河沙
數無量佛仍坐峰頭白毫放但看相好及手印一
一不異梵銅像歷劫萬億不飛去鎮以佛力信無
爽我來徒訝未前逢玉削雲鏤相偃仰怪石斜墜
挂天紳異木倒生謝土壤猿吟鶴唳演摩訶不雜
人間絲竹響奇境至此無更奇大士如如不動想
蓮花泉 在飛來峰頂石巖無土清可啜茶
石梁 在飛來峰頂長一丈亘石上如梁

龍泓洞 在理公巖之北咸淳臨安志晏元獻
輿地志云在靈隱山下吳赤烏二年葛仙翁於
此得道有石洞徹浙江下通蕭山有採石乳者
入其洞聞波浪聲後有人從洞旁鑿住世羅漢
十八尊西湖遊覽志一名通天洞壁間有蔣之
竒篆書多宗人題名

青林巖 咸淳臨安志顧夷吾山川記云靈隱
山有青林巖其上皆櫨桂凌冬不凋故其林常

青

理公巖 在靈鷲院之右咸淳臨安志陸羽記
云昔慧理晏息其下後有僧於巖上周圍鑄佛
羅漢佛菩薩像慈雲法師所謂訪慧理之禪巖
即客兒之山館是也靈隱寺志理公塔在龍泓
洞口

玉乳洞 西湖遊覽志宛轉通明懸泉淅淅乳
溜若凝肪然有徑可陟山巔壁間題刻甚多苔

蘚侵蝕漉漫不可辨奇石纍纍若鏤若刻信天巧所為非人力也傍有射旭洞

石門澗 錢塘縣志即冷泉所經先時澗深廣可通舟楫宋紹興間建石閘蓄水明洪治十三年暴水決閘澗亦遂塞西湖遊覽志澗旁舊有

連巖棧伏虎棧

白居易石門澗詩石門無舊徑故棧訪遺跡時逢山水秋清輝

如古昔常聞是連輩起詩此巖壁雲霞莓苔封蒼然無處覓蕭疎野生竹剝落多年石自從東晉後無復人遊歷獨有秋澗聲潺湲永朝夕

壺雷亭

在石門澗上成化杭州府志宋安撫

趙與憲建

冷泉

在靈隱山下環飛來峰

林洪冷泉詩一泓清可沁詩脾

冷煖年來只自知流出西湖載歌舞回頭不是在山時周紫芝冷泉詩呼猿洞口水濺濺忽見奔流下九天乞得少陵三峽句為君題作倒流泉又萬里西興浦口潮浪花真似海門高誰將一夜山中雨換作三江八月濤

瀑雷橋

在冷泉上

冷泉亭

在飛來峰下雲林寺前浙江通志唐

刺史元冀建舊傳冷泉深廣可通舟楫亭在水
中宋郡守毛友移置岸上西湖遊覽志云冷泉
二字白樂天書蘇子瞻續書亭字今皆不存亭
扁為華亭董其昌書亭左右舊有虛白侯仙觀
風見山四亭見白居易冷泉亭記俱廢

白居易
冷泉亭

記見
藝文

國朝乾隆十六年三月

聖駕臨幸

御製冷泉亭詩

見奉紀
名勝

虛白亭 咸淳臨安志 唐守相里君造

候仙亭 咸淳臨安志 唐守韓僕射皋建久廢

宋安撫趙與憲更造

觀風亭 咸淳臨安志 在冷泉亭側 唐庶子河

東裴常棣建

見山亭 咸淳臨安志 唐守盧給事元輔建

呼猿洞 在冷泉亭左 西湖遊覽志 晉慧理嘗

畜白猿於此劉宋時有僧智一訪舊蹟仍畜猿
於山臨澗長嘯即羣猿畢集人稱之曰猿父好
事者每施食以飯猿故上有飯猿臺方輿勝覽
其洞有路可透天竺

勅賜雲林寺 在靈隱山之陰壯高峯下即古靈隱

寺靈隱寺志創於晉咸和元年竺僧慧理山門
始榜曰絕勝覺場仙翁葛洪書正殿曰覺皇殿
歷五季隋興廢莫考唐會昌間稍興復吳越錢

王命僧延壽重為開拓殿宇一新建石幢二正殿仍覺皇之舊殿後為千佛閣最後為法堂為

方丈

即立指堂

東建百尺彌勒閣西有祇園

今名紫竹林

宋景德四年改景德靈隱禪寺南宋高孝屢幸號稱禪院為五山第二改法堂為直指堂元明

屢建屢燬萬歷壬午復建

宋之問靈隱寺詩驚嶺勢岌堯龍宮鎖寂

寥樓觀臨海日門對浙江潮桂子月中落天香雲外飄
翻羅燈塔遠劍水取泉遙霜薄花更發
水輕葉未凋風鈴尚遲異技討滌煩器待入天台路看予度石橋賈島早秋題天竺靈隱寺詩

峯前峯後寺新秋絕頂高窓見沃洲人在定中
聞蟋蟀鶴於棲處掛獼猴山鐘夜渡空江水汀
月寒生古石樓心欲懸帆身未遂謝公此地昔
曾遊楊巨源送章孝標歸杭州詩曾過靈隱江
邊寺獨宿東樓看海門潮色銀河鋪碧落日光
金柱出紅盆不訪公事資高卧無限詩情要細
論若訪郡人徐孺子應須騎馬到江村白居易
留題天竺靈隱兩寺詩在郡六百日入山十二
回宿因丹桂落醉為海榴開黃紙除書到青宮
詔命催僧徒多悵望賓從亦徘徊寺暗煙埋竹
林香雨落梅別橋憐白石辭洞戀青苔漸出松
間路猶飛馬上杯誰教冷泉水送我下山未權
德輿贈天竺靈隱二寺主詩石路泉流兩寺分
尋常鐘磬隔山聞山僧半在中峯住共占青猿
與白雲蘇軾立秋日禱雨宿靈隱詩百重堆案
掣身間一葉秋聲對榻眠牀下雪霜侵戶月枕

中琴筑落堦泉崎嶇世味嘗應徧寂寞山樓
老漸便惟有惘農心尚在口占雲漢更茫然

國朝順治戊戌大殿燬僧弘禮復創內有天王殿
輪藏殿伽藍殿羅漢殿金光明殿大悲殿法堂
方丈直指堂大樹堂南鑑堂聯燈閣華嚴閣青
蓮閣梵香閣紅于閣玉樹林法壽堂蒙堂萬竹
樓鐘樓普同塔院康熙二十八年

聖祖仁皇帝南巡幸寺

御製靈隱寺詩一首

靈山含秀色驚嶺起嵯峨梵宇盤空出香雲繞地多
開襟對層碧下馬撫煙蘿羽衛間來往非同問法過
親灑宸翰

書雲林二字

賜名雲林寺三十八年

聖駕再幸雲林

賜金佛一尊

御書禪林法紀額又

御題一聯云

禪心澄水月

法鼓聚魚龍

御製雲林寺詩一首

無為幾事少問俗駐林邱衛騎森嚴滅爐煙霰難浮
鳥啼香界古花綴梵筵幽野徑春風引輕鋪細草柔

四十二年四十四年四十六年俱奉

臨幸賜賚優渥雍正六年總督李衛倡修大雄殿天王

殿及諸堂宇樓閣乾隆七年寺僧義果募緣重

修乾隆十六年三月初四日

聖駕巡幸

御製雲林寺詩

水盡山幽趣轉奇中宏恰當開檀維明珠仙露垂
乎

聖

寺內存
皇祖御筆

布襪青鞵始者誰

用杜甫
句意

僧足高閒宜遠

俗佛無揀擇曷居斯尋巖步屨吾原慣更覺雲深

金步尺卷八
意與遲

御製雲林寺方丈小憩示僧詩

雲居十笏暫徘徊
悅可蒼松及古梅
何事山僧門外立
招呼且向箇中來

御題覺皇之殿曰

驚嶺龍宮

御書聯句云

峯從西竺來
雲根無住

泉自上方出月印長圓

御題直指堂之額曰

涌翠披雲

三月十一日

翠華再幸

御製雲林寺二十韻

靈隱古禪林佳稱乃自今佛原泯名象天與闢幽

深竒絕驚初見清間試重尋堯巒

北高峯

先陟頂靜

室

點光卷

一開襟自內尤綜要居高總照臨澄懷叅

月相對面賞雲岑稍憩塵中跡聊清物表心冷侵

泉漱玉靜聽澗調琴乍啓瓊瓏竅憑吹金石吟

冷泉

亭畔石竅人吹則鳴呼猿時蹕洞招鶴早鳴陰辨茗傳初火

是日偶閱採茶炮焙之法

攀松驗五鍼洞天窮窈窕乳竇注淙

淙路盡忽開豁巖攢復鬱森線光常漏日鳥道欲

捫參丹閔仙人竈草生王母簪樓宮鑿龍象鎮海

協祥稷蘿薜蒙櫛蔚雲霞護崑嶽認峯垂羽翼續

句美球琳誰識西來意徒咄門外音便當旋翠蹕
無逸以為箴

大樹堂

在方丈後靈隱寺志樹為慧理手植

巨數十圍枝幹參天置堂其下即見山亭故址

紅于閣

在官客堂後深秋壯山一帶楓木皆

丹昔人取唐詩霜葉紅于二月花之句以顏其

閣

壯高峯

在雲林寺後名勝志靈隱山壯起最

高之一峯也石磴數百級曲折三十六灣羣山
屏列湖水鏡浮雲光倒垂萬象在下遙望浙江
如匹練之新濯

乾隆十六年三月十一日

聖駕巡幸

御製登北高峯極頂詩

南北兩高峯北勝南姑捨適際天氣佳峯頭一駐
馬琅霄拂仙籟吳山皆在下江海一杯水向我眼

前瀉滌盡萬慮塵何有閒愁惹巡檐古作無曲高
和者寡

北高峰塔 在靈隱後山咸淳臨安志唐天寶

中建高七層會昌中燬錢武肅王重修宋至和
三年雷火元豐間圓明大師重建咸淳七年燬

又建靈隱寺舊志今圯止存三層

潘開北高峰塔詩北高峰

上塔竟上最高層嘗謂人難到何當我獨登天
香閣不斷海月見微被懶下紅塵路重來恐未
能蘇軾遊靈隱高峯塔詩言遊高峰塔辱食治
野裝火雲秋未衰及北初旦涼露霏巖谷暝日

出草木香嘉我同來人久便雲水鄉相觀小舉
足前路高且長古松盤龍蛇怪石坐牛羊漸聞
鐘磬音飛鳥皆下翔入門空無有雲海浩茫茫
惟見聲道人老病時絕糧問年笑不答但指空
藜牀心知不復來欲歸更徬徨贈別留正布今歲天早霜

石筍峯 在雲林寺後名勝志一名卓筆峰圓
峭特立高數十丈

茯苓泉 西湖遊覽志在靈隱寺後山古松蔭
之白石齒齒泉極甘冽

葛塢 在靈隱山靈隱寺志晏元獻輿地志云

吳方士葛孝先所居陸羽寺記云晉葛洪亦居此

巢居塢 在雲林寺西本名巢溝塢靈隱寺志由塢汧澗而西達韜光菴

韜光菴 在石筍峰上咸淳臨安志天福四年吳越王建舊額廣嚴唐長慶中有僧韜光結菴於此遂名西湖遊覽志韜光禪師蜀人代宗時辭師出遊師囑之曰遇天可前逢巢即止遊靈

隱山巢溝塢值白樂天守郡悟曰吾師命我也
遂卓錫焉樂天聞之因與為友題其堂曰法安
成化杭州府志大中祥符元年改今額乾道九
年充咸安郡王功德院廢洪武間重建後燬天

順二年僧宗融復建

白居易寄韜光詩一山門
作兩山門兩寺原從一寺

分東澗水流西澗水南山雲起北山雲前臺花
發後臺見上界鐘聲下界聞遙想吾師行道處
天香桂子
落紛紛

國朝康熙四十五年重修乾隆十六年三月初四

日

聖駕巡幸

御題法安之堂曰

雲岑日觀

御製韜光詩

見恭紀
名勝

三月十一日

翠華再幸

御製再至韜光題壁

前日坐韜光觀海窮境遠今日登高峯韜光又平
坦以此識萬理進界無止滿徒愛境致幽輒復紆
畫罕嵐翠度重重逕險遵蹀蹀山鳥及山花夾道
紛不斷松翻綠雲濤竹帶碧琅粉不歷百磴艱安
知十里近山僧縱慣經和南笑而莞

巨
錢陳羣恭和

御製韜光詩元韻

一菴結幽處無歷不可極況有竹萬竿娟靜伺

其隙仄徑轉復隘時見紺乳滴鳴泉遠壑聞古
磴留僧跡衆峯忽對面往往似相識抱寺鬱深
林束澗竦竒石緩步上層樓清閔生虛白遐情
時一適徙倚憑几席江迴海門寬鶻起煙際直
慮淡寄遠想形外寫心得萬山拜堂下駁隄雲
竇塞香界遺聲聞寂寞尋詩客

臣 沈德潛恭和 元韻

雲林遊已窮取徑仰層極松篁不見天日影穿

林隙覓中暗泉流幽幽響涓滴境寂少人行時
逢猿鳥跡當年此登陟舊逕依稀識聞鐘知寺
近紆回度盤石到頂開心胃放眼波光白江海
混一氣攬之入几席老僧昔共遊樸拙守遺直
話舊廿載餘電光留不得寸心付虛空空際何
由塞自顧未離塵愧彼無家客

金蓮池 在韶光菴舊傳韶光引水種金蓮處
白沙泉 在雲林寺西夢梁錄泉自白沙中出

城市人取以淪茗

永福寺 在石筍峯下舊錢塘縣志劉宋元嘉
時為琳法師講所石晉天福間顏為普圓院又
名資巖南宋咸淳間改今額時有毒蜂大師居
之號大吉祥寺西湖遊覽志內有超然臺金沙
白沙二泉宋熙寧間杭守祖無擇居此方丈板
扉皆蘇子瞻趙閱道秦少遊黃魯直留題永福
寺志元至元元年有清涼山盤陀石正宗禪師

圓來駐錫常衣白衲又名白衲菴明成化二年
古香禪師相繼住持建海石樓屠隆書額萬厯
間徐弘基重題永福禪林

國朝順治間重修

紫竹林 在雲林寺西即古祇園房上接韜光
下接靈鷲蒼厓左峙碧澗右繞竹陰茂密更名
紫竹林元楊維禎詩有僧住旃檀紫竹林之句
常產紫筍釋贊寧筍譜中所云錢塘多紫桂筍

是也寺僧每劇以充齋供乾隆十六年春

御製劇筭詩

戟竅見龍角清供試新嘗恐損凌雲質不教多劇
將

岫嶁山房 在雲林寺西錢塘縣志明李元昭
字用晦號岫嶁山人構廬於慎菴之址架迴溪
絕壑之上溪聲出屋下高厓插天古木拔地工
詩與山陰徐渭齊名有岫嶁山房集

包莊 在雲林寺西錢塘縣志明副使包涵所

別業名青蓮山房倚蓮花峯跨靈隱澗深巖峭

壁蘿徑松門饒樸野之趣而其中宗臺傑閣曲

房洞戶入者迷不得出今已易主頽廢而人猶

稱包氏壯莊

陳繼儒青蓮山房詩名園極宏麗偏欲擬村莊編戶留柴葉牽藤補

蝸牆雲根常塞路溪水直穿房覓路無由出徘徊度曲廊又主人無俗慮築圃見文心竹暗常

疑雨松吟自帶琴鶯花為伴侶鐘鼎托山林勝地無常主包莊說到今

白閣 在靈鷲山錢塘縣志明邵重生古菴建

祀許由及唐宋名賢又為樓三楹藏其父經邦
所著三弘一致錄鍵戶不出者三十年著武林
七志

栗山 在靈隱山西舊志云高六十二丈太平
寰宇記上有石杵吳大帝刻云黃武二年歲在
戊午八月三日凡十二字

石人嶺 在栗山上咸淳臨安志一名馮公嶺
極高峻有石人卧路傍故名

女兒山 在靈隱山南太平寰宇記山石狀如
人形雙髻分明俗謂之女兒山下有洞名玉女
巖一名新婦石

時思薦福寺 在石人嶺下西湖遊覽志晉咸
和中建於下竺寺西宋紹興間徙建於此有天
池樓通雲亭萬玉軒湖山至此幽邃極矣

石佛菴 在靈隱山雲林寺志萬厯間僧如脰
於榛莽中見二石佛建菴其處湯煥書竹林精

舍

頭陀石室 在韜光山後靈隱寺志貞觀坐禪處

佛國山門 在三天竺路口西湖遊覽志自合澗橋折而南度佛國山門為下天竺寺佛國二字舊為鍾離權書宋易以張即之書上天竺山志後改題三天覺路今額曰三天竺

天竺山 武林舊事自靈隱至郎當嶺皆稱天

竺山

月桂峯 在飛來峯西西湖遊覽志唐天聖中秋月甚朗降靈實於茲山狀若珠璣璀璨奪目有異人識之曰此月中桂子也故宋之問詩云桂子月中落白居易詩云宿因月桂落皆謂此峯下舊有月桂亭

稽留峯 在天竺山西湖遊覽志相傳堯時許由隱居此山遂名許由峯俗訛為稽留盧同父

詩云問山何以名靈隱山曰當年隱許由是也
或曰晉許遠游非許由然水經注言昔有道士
入此不返因以稽留為山號則稽留之名自漢
魏已然又非遠游遺跡矣遠游名邁自餘杭垂
雷山移入靈隱餐霞茹芝有終焉之志後羽化
去

下天竺寺

在靈鷲山麓西湖遊覽志亦晉僧

慧理建隋開皇十五年有僧真觀者錢塘人操

行高潔掌有仙文稱寶掌禪師居頭陀石室檀
越陳仲寶拓而新之號南天竺寺咸淳臨安志

唐永泰中名天竺寺五代時有五百羅漢院後
廢大中祥符初改名靈山寺天禧四年復天竺
寺額紹興十四年改天竺時思薦福寺為吳秦
王香火院慶元三年復為天竺靈山之寺錢塘

縣志元末燬明洪武間重建

崔顥遊天竺寺詩
晨登天竺山山殿

朝陽曉澗泉爭噴薄江岫相縈繞直上孤頂高
平看衆峯小南州十二月地煖冰雪少青翠滿

寒山蕭蕭履冬治花龕瀑布側青壁石林杪鳴
鐘集人天施飯聚猿鳥洗意歸清淨澄心悟空
了始知世上人萬物一何援李白送崔十二遊
南天竺寺詩還聞天竺寺夢思懷東越每年海
樹霜桂子落秋月送君遊此地已屬流芳歇待
我來歲行相隨浮溟渤張祐天竺詩西南山最
勝一界是諸天下路穿巖竹分流入寺泉躡雲
丹井畔望月石橋還洞壑江聲遠樓臺海氣連
塔明春嶺雪鐘散暮松烟何處去猶憶更看峯
頂蓮陳陶宿天竺寺詩一宵何期此靈境五粒
松香金池冷西僧示我高
隱心月在中峯葛洪井

國朝康熙三十八年

聖祖仁皇帝南巡幸寺

賜帑金重修

蓮花峯

在下天竺寺後水經注靈隱山有孤

石壁立大三十圍其上開散狀似蓮花

三生石

在下天竺寺後太平廣記唐李源與

僧圓澤友善澤亡時與源約十三年後相見於

杭州天竺寺逾十三年源自洛適杭見葛洪川

畔有牧童騎牛背而歌曰三生石上舊精魂賞

月吟風不要論慚愧情人遠相訪此身雖異性

常存歌罷驅牛入煙霞而去

繙經堂 在蓮花峯下西湖遊覽志相傳謝靈

運兒時繙經於此

白居易繙經臺詩一會靈山猶未散重繙貝葉有來由是

名精進繞開眼巖石無端亦照頭姚鉉繙經臺詩康樂悟元機寂寥此棲息經繙貝葉文臺近

蓮花石

香林洞 一名香桂林舊有香林亭其右為日

月巖咸淳臨安志下竺香林洞產茶名香林茶

上竺白雲峯亦產茶名白雲茶蘇軾詩白雲峯

下雨旗新兩山居民皆以採茶為業

乾隆十六年三月

聖駕巡幸天竺

覽鄉民採茶製焙之法

御製觀採茶作歌

火前嫩火後老惟有騎火品最好西湖龍井舊擅
名適來試一觀其道村男接踵下層椒傾筐雀舌
還鷹爪地爐文火續續添乾釜柔風旋旋炒慢炒

細焙有次第辛苦工夫殊不少王肅酪奴惜不知
陸羽茶經太精計我雖貢茗未求佳防微猶恐開
奇巧防微猶恐開奇巧採茶竭覽民艱曉

下竺寺橋 南澗東出中竺寺橋又東合神道
塢為下竺寺橋

葛井 在下天竺寺西湖遊覽志相傳吳赤烏

二年葛稚川得道於此

許渾天竺寺題葛洪井
詩羽客煉丹井井留人

已無舊泉青石下餘甃碧山隅雲朗鏡開匣月
寒冰在壺仍聞釀仙酒此水過瓊餘梅詢葛井

詩仙翁道未成棲神在巖石酌彼山下泉窮年
煉陰液洞陰春始綠苔發秋涵碧緬邈不可期

憑闌望

兒寫

七寶普賢閣 在下天竺成化杭州府志沙門

善熙以七寶塑普賢像吏部尚書虞策記其事

西嶺草堂 在下天竺成化杭州府志唐道標

立

七葉堂 在下天竺唐白居易有七葉堂避暑

詩

日觀菴 在下天竺西湖遊覽志僧遵武建范
仲淹為之記至今相傳有文正卧榻

神尼舍利塔 在飛來峯頂神州古史考隋仁
壽二年遣僧齋神尼舍利於此造塔發土得石
坎因以所齋舍利納其中不差分寸人咸異之
曲水亭 在下天竺西湖遊覽志一名流杯亭
亭心有水臺盤曲折可流觴傍有陸羽二寺記

碑

重榮檜 在下天竺光明懺堂後古蹟考隋時
所植高數丈大十圍後為兵火所燎至宋大中
祥符間復茂故名

楓木塢 在稽留峯北

千歲巖 中天竺寺之主山

中天竺寺 在楓木塢南西湖遊覽志隋開皇

十七年僧寶掌建寶掌以唐高宗顯慶間住浦

江化去自稱度世一千七十二年世稱千歲和

尚故茲山有千歲巖吳越錢氏改為崇壽院宋
政和四年改天寧萬壽永祚禪寺有摩利支菩薩
像宋淳熙間建華嚴閣元大厯閣改天厯永
祚禪寺武林梵志明洪武初改額中天竺寺正
德間燬嘉靖二十五年重建成化杭州府志內
有天香閣桂子堂此中亭元末燬僧慧融重建
王元章送僧歸中竺詩天香閣上風如水千歲
巖前雪似苔明月不期穿樹出老夫曾此聽猿
來相逢五載無書寄却憶三生有夢回
鄉曲故人頻問訊孤山梅樹幾時開

國朝康熙三十八年

聖祖仁皇帝南巡幸寺

賜帑金三百兩四十二年再幸

御書靈竺慈綠四字額奉懸正殿

中竺寺橋 南澗東合永清塢出中竺寺橋

永清塢 對中天竺寺西湖遊覽志塢中有永

清菴心菴塢背即龍井

中印峯 在上天竺左靈隱寺志昔寶掌開中

竺山掌乃西域五印度之中印人故名又善住
峯與中印相連

香爐峯 在大路側狀如香爐

天香巖 在中印峯之半山靈隱寺志又名百
歲巖

水月池 在中印峯前上天竺山志宋寶祐五
年住持佛光焰法師鑿上有水月樓靈隱寺志
僧若訥建虛敞宏麗淳熙嘉定端平間臨幸扈

從留題甚夥後燬

肅儀亭 在上天竺寺路口西湖遊覽志宋嘉祐中僧元淨建蔡襄書元淨字無像於潛人受戒於天竺慈雲師學行精進神宗嘉之賜號辨才住上天竺十七年與蘇子瞻趙閱道友善後還於潛復歸天竺遷居龍井作此亭歲久圯明洪武二十八年僧一如重建

琮老橋 西湖遊覽志南澗東合楊梅塢支澗

出琮老橋僧琮建

流虹澗 西湖遊覽志滙五峯之水於普門外

即南澗也

普門 在流虹澗前

金佛橋 在普門內上天竺山志宋淳熙間佛
光焰法師建掘地得金佛遂名

見心亭 在普門內西湖遊覽志明嘉靖間都
指揮僉事李節建西有梅菴

乳竇峯 在上天竺寺南西湖遊覽志下有空
巖懸乳如脂甘香可食又峯下有泉色白如乳
名乳竇泉

獅子峯 在乳竇峯之右上天竺山志昔翊大
師經行時忽聞獅聲震吼故名山有奇石如獅
狀

白雲峯 上天竺之主山上天竺山志常有白
雲覆其上

雙檜峯 在白雲峯之右上天竺山志有雙檜
婆娑故名

雙桂巖 在雙檜峯下上天竺山志一名百丈
巖

勅賜法喜寺 即上天竺寺在乳竇峯北白雲峯南
咸淳臨安志晉天福四年僧道翊結廬山中夜
有瑞光就視得奇木命孔仁謙刻觀音大士像
會僧勲從洛陽持古佛舍利至納之頂間妙相

具足錢忠懿王夢白衣人求治其居王感寤即
其地建天竺看經院咸平初郡守張去華因早
迎大士至梵天寺致禱即日雨自是遇水旱必
謁焉有禱遂應嘉祐中郡守沈文通謂大士以
聲音為佛事非禪那所居乃以教易禪以辨才
法師元淨居之名靈感觀音院元淨益鑿山闢
地增廣殿宇靖康初屬有金難僧道元秘大士
像於井

寺前廡下有觀
音泉即其處

兵退瓦礫中忽鏗然有

聲始知井所在得像歸之院孝宗以久雨致禱
即日霽賜內府寶玉三品淳熙二年創十六觀
堂法輪寶藏理宗書廣大靈感觀音教寺西湖
遊覽志慶元三年改天台教寺元至元三年燬
五年重建仍改天竺教寺內有白雲堂兩峯堂
中印堂十六觀堂雲漢閣應真閣延桂閣秋香
閣伴雲閣清華軒植杖亭謝屐亭並廢惟白雲
堂存焉成化杭州府志元季燬復建成化丙申

重修錢塘縣志自宋至今每亢旱淫潦有司常
即山中迎大士像入城於吳山海會寺祈禱無
不響應遂為一郡雨暘司命遠方趨謁者香火

之盛不下普陀

蘇軾雨中遊天竺靈感觀音院詩

浪浪農夫輟耒女停筐白衣仙人坐高堂張栻
過上天竺寺詩上竺諸天近中林萬木低迥超
塵世外恍入雪山西忽漫參龍象行將混鹿麋
何年釋簪紱於此獨幽棲朱子春日過上天竺
寺詩竺國古招提飛甍碧瓦蔭林深忘日午山
迥覺天低琪樹殊方色珍禽別院啼沙門有文
暢吸茗漫留題呂祖謙遊上天竺詩淨域何虛
寂居然隔市喧僧來渾不語吾亦欲忘言至樂

存簞食浮名類觸藩行行返初服貢止老邱樊
真德秀遊上天竺詩事事不可了還須入此山
遙尋黃葉路迤出白雲間澹岩止煩渴談空得
笑閒飄飄有餘興歸去掩柴關魏了翁遊上天
竺詩風波滿平地世路遠羊腸急欲逃塵網遙
登選佛場雲深午猶暝竹容夏生涼興逸忘歸
去高眠
借石牀

國朝順治十七年燬康熙五年重建三十八年

聖祖仁黃帝南巡三月二十四日

駕幸寺中

御書法雨慈雲四字額奉懸正殿

太皇太后賜帑金五百兩修葺殿宇

御製重修天竺寺碑文

朕御歷凝庥心周區域省方設教蹕駐湖山眷茲民
力於東南詎止皇輿之名勝若乃因其舊蹟無侈前
觀則天竺寺之所由以重修也粵惟驚嶺著於西方
法輪則一竺峯麗於南國名利維三固緇梵所熏修
亦僊靈之窟宅潮音送響遙接普陀塔影橫空長留
舍利瑞光發於澗上奇木像大士之容白衣感夫夢

中淨域建看經之院或旱乾間作禾麥告枯而穡蓋
來迎靈雨濡作有禱輒應無福不臻斯固歷晉宋以
迄今實亦載簡編而可信意者能仁之量等於好生
佛道之成關乎民隱推斯指也不其偉歟將使般若
之門隨方而啓仁壽之域舉世咸登有其興矣曷可
廢哉朕曩者親奉

慈闈式臨茲宇自芳湖而西顧望初地以南循輦過花迎
旌迴雲捲巖深乳竇含真珠之寶光峯轉飛來帶琉

璃之紺色百靈斯護七聖不迷既祝我

皇太后壽履泰寧復冀凡茲庶民室家盈慶然則釋迦之
弘慈與國家之布德豈有殊也顧念山靈如昔寺貌
未新我

皇太后為國發心為民祈福特申

慈命重葺香林茲役之興不妨民事凌雲再煥將無乾竺
之靈匪日成功實篤坤元之慶恒沙國土偕常樂以
同升億萬蒼生享太平而無極是則我

皇太后之聖心依然釋迦之心而於朕經營天下利濟生
民之心亦適有愜也夫

四十二年二月十七日

聖祖南巡再幸

賜帑金四十八兩四十三年二月十九日

頒賜

御書金字心經一軸四十六年四月初七日

聖祖南巡再幸

賜御書金字藥師經一部並

御製藥師經讚六十一年春大殿燬雍正七年浙江總

督李衛即藏經閣故址恭建

御書樓九年奉

世宗憲皇帝賜帑金鼎建

御製重修天竺寺碑文

浙中多名山古寺天竺乃昭著之大刹也湖山明秀

勝地鍾靈觀音大士歷徵顯應奇木妙相舍利瑞光普

現弘慈久而彌彰有感必通如響斯捷

皇考聖祖仁皇帝巡幸浙西重新香界

御製碑文照耀穹宇為

慈聖祝釐為蒼生祈福意至厚也祝融不戒宜事鼎新爰
因總督李衛之請命發帑金再加修葺雍正十二年
十一月工竣璇題朱網丹雘煥如遠近人民瞻仰歡
悅用勒文翠珉以紀其事夫佛法廣大無邊不可思
議而大士慈悲為念隨聲赴感普濟羣生是以善信

飯依有求輒應然天人感召之理無他曰誠敬而已
矣當其誠心懇至雖以愚夫愚婦之微賤而冥漠之
際呼吸相通如其不然即有靈明響應悲憫救護之
聖心亦不能強迷頑者而施之惠澤故曰神無常享
享于克誠又曰至誠而不動者未之有也不誠未有
能動者也夫斯人生享太平之福日用飲食一絲一
粟在在皆天地覆載之恩即在在皆明神庇佑之力
使非時存敬信之心好善遠罪以迓福祥而獨於祈

禱迫切之時奔走膜拜冀邀鑒格則誠意微薄豈能
感應尚安望休祥之敷錫乎是以大士之慈悲靈聖
振古如茲而斯人之昭受神庥必由自致誠能虔敬
居心實力嚮善湔除惡念廣種福緣則善氣和會感
致繁禧大士慈恩降祥錫祉年豐物阜風雨以時行
蕃昌而躋仁壽朕愛養黎元之至意其深慰矣夫雍
正十三年八月初一日

乾隆十六年三月初四日

聖駕巡幸

御製天竺寺詩

見恭紀
名勝

臣 沈德潛恭和 元韻

松作禪關石作林詩僧結伴快招尋橋通合澗

去方去路轉驚峯深更深植杖亭空花似昔

亭畔

有耕才手
植山茶花 繙經臺古石留今

姚鉉詩臺
近蓮花石

何當桑

下聊棲宿聽徹清冷山水音

欽命天竺寺為法喜寺

御題法喜寺扁額奉懸山門

御書大悲殿柱聯句云

繞座法輪明寶月

盈階甘雨散華天

御題後殿之額曰

寶陀飛觀

三月十一日

聖駕再幸

御製天竺詩

天竺近雲林便途因再至溪溯源更清竹當春益
翠秀潤挹明湖澹泊標初地冷然磬魚聲颯爾煙
霞意

白雲堂 在方丈前坐白雲峯下故名上天竺

山志辨才法師建

蘇軾題辨才白雲堂壁詩不
辭清曉叩松扉却值支公久

不歸山鳥不鳴天欲
雪捲簾惟見白雲飛

兩峰堂 在白雲堂後前與雙檜乳竇兩山相

對故名上天竺山志紹興間如法師建萬歷間
燬崇禎己巳重建易為閣今稱藏經閣

十六觀堂 李綱十六觀堂碑記乾道元年四月
鼎建十六觀堂以為止觀之所額曰超諸有海
植杖亭 在雲液池東名勝志宋蘇軾與僧辨
才於此植杖而談作亭志之

夜講堂 靈隱寺志宋治平中辨才淨法師夜
分講經故設之

謝履亭 在西峯之麓上天竺山志政和間宣

梵珍法師建

復菴 在寺門橋南上天竺山志宋嘉泰二年
住持妙珪建陸游為記

琴岡 在大殿前上天竺山志白雲峯南抽小
支綿亘平正伏而為案狀如橫琴

夢泉 西湖遊覽志宋崇寧元年浙西大旱寺
中厨水不給住僧齋玉夢泉發于西坡鑿之果

得遂名

大悲泉 在講堂下夢梁錄流遶殿前經如意

池

華光泉 在白雲西院之右泉出崖石間

古春井 一名坐禪井在中印峰下上天竺山

志昔古春坐禪處

雲液池 在白雲峯下上天竺山志又名白雲

泉石甃如玉西湖遊覽志池上有辨才手植山茶花

如意池 在上天竺寺正殿前杭州府志攷以青石方丈面鏤如意文曲折四達

華嚴塢 武林山七志俗呼心安塢以谷中為心安房也深處有華嚴山居東坡書

梯子嶺 在華嚴塢上天竺山志一名蘇子嶺由東坡與辨才得名

峨眉山 在上天竺西錢塘縣志重岡疊嶽北山最深處

幽淙嶺

西湖遊覽志俗稱水出嶺深壑泠泠

巖石磊磊陟此者必緣木攀藤前後牽挽方可

上

捫壁嶺

在幽淙嶺上錢塘縣志左逼峭嶂右

臨清溪攀蘿而升乃天門山之巔從此而東即

龍井南山界上天竺山志俗稱郎當嶺

天門山 在北高峰之右錢塘縣志南北兩山

分界處更南則為五雲山矣

互見南山

西湖志纂卷八

欽定四庫全書

西湖志纂卷九

大學士梁詩正等輯

吳山勝蹟

吳山 在浙江省城鳳山門內名勝志春秋時
為吳南界以別於越故名吳或曰以祠伍子胥
訛伍為吳故郡志亦稱胥山凡城南隅諸山曼
衍相屬總曰吳山而異其名西湖遊覽志天目

為杭州諸山之宗翔舞而東蘊結於鳳凰山其
支山左折遂為吳山秀嶠奇峰帶湖映壑江介
海門迴環拱固扶輿淑麗之氣鍾焉是以居民
叢集殆百萬餘家為東南都會其陟山之徑有
門曰登高覽勝石磴斗折可數百級元平章塔
喇罕托歡所甃錢塘縣志胥山因吳人立祠祀
子胥故名亦稱伍山舊志云春秋時為吳南界
以別於越故曰吳不知越境至於就李之語兒

見越絕書則此山本屬越或曰夫差棲句踐於
會稽時地當屬吳或曰越沼吳後即此山以祀
吳太伯伍員故謂吳山說各不同然胥山因子
胥得名說見史記其上舊有胥山坊

自吳山折而東迤南至清平山又折而西至
雲居山為吳山南路

英衛公廟 在吳山頂舊名忠清廟俗稱伍公
廟咸淳臨安志神姓伍名員字子胥吳王夫差

入越句踐使大夫文種行成吳王許之子胥諫
不聽賜屬鏤以死吳人憐之為立祠江上命曰

胥山唐元和十年刺史盧元輔修

盧元輔胥山
祠銘見藝文

景福二年封惠應侯乾寧四年封吳安王萬厯
杭州府志宋贈廟額曰忠清大中祥符五年海
潮衝擊州城詔本州歲春秋致祭加封英烈王
紹興三十年改封忠壯侯嘉熙三年海潮大溢
京尹趙與權禱於神而息奉建英衛閣自嘉熙

至咸淳間累封忠武英烈顯聖安福王元封順佑
忠孝威惠顯聖王明洪武四年改稱吳行人伍
公之神每歲祭以九月二十日

國朝雍正三年以神為浙省江寧保障

勅封英衛公重修祠宇改稱江神廟乾隆十六年

御題扁額云

靈依素練

東嶽中興觀 在吳山馨如坊俗稱東嶽廟咸

淳臨安志宋大觀中建東嶽行祠紹興間翼以
道館嘉定乙巳始請觀額理宗書東嶽之殿西
湖遊覽志元末燬明景泰間重建

玉樞道院 在東嶽廟左西湖遊覽志俗稱神
霄雷院明天順六年建後圯

國朝雍正九年總督李衛重建

至德觀 在吳山顛俗稱太歲廟西湖遊覽志
在宋渾儀臺側十一曜太歲堂也紹興間建端

平三年理宗書至德之觀元至正燬渾儀無存
行省丞相達實特穆爾重建構星宿閣明成化
甲午火諸廟皆焚惟茲廟無恙每歲迎勾芒之
神於此

有美堂 名勝志在吳山頂宋嘉佑二年龍圖
閣學士梅摯出守杭州仁宗賜以詩有地有湖
山美之句因名其堂歐陽修為記蔡襄書今故
址不存而府治後堂尚仍其名

歐陽修有美堂
記見藝文蘇軾

有美堂暴雨詩遊人脚底一聲雷滿座頑雲撥不開天外黑風吹海立浙東飛雨過江來十分激灑金尊凸千杖敲銚羯鼓催喚起謔仙泉灑面倒傾蛟室瀉瓊瑰

臣謹按咸淳臨安志有美堂錢氏初建看江亭於此在吳山最高處左江右湖故有湖山之美又蘇軾有九日舟中望見有美堂魯少卿飲處詩又會容有美堂周邠長官泛湖往北山間堂中歌笑聲見寄和詩夫曰望見曰聞聲則必在吳山可知若州治在鳳凰山去湖稍遠何由見聞耶舊志稱淳祐六年府尹趙與憲發地得古碑於山巔太歲廟側即仁宗賜詩則此堂故址當即其處遊覽志載入鳳凰山失考

惠應廟 在至德觀右俗呼藥王廟西湖遊覽

志神張姓相州湯陰人素謹奉神農氏沒而為
神凡疹疾瘡瘍有禱輒應宋時祀於汴州南渡
後建廟於吳山看江亭額曰惠應咸淳德祐累
封王爵兩廡祀二十四仙醫相傳佐神農採藥
者也

國朝乾隆元年燬三年署總督大學士嵇曾筠飭
屬重建

嘉濟廟 在吳山又名江東廟錢塘縣志祀秦

顓人石固宋累封王爵給廟額初在崇福里繼徙貢水之東雷岡故稱江東明隆慶三年建

承天靈應觀 在吳山頂俗稱三官廟咸淳臨

安志舊為天地水府宋龍德三年建名玉虛觀

紹興四年改冲天觀尋燬端平三年重建改今

額淳祐十年增建玉皇閣清波類志內有天開

圖畫閣清暉亭元末燬洪武二十三年重建

國朝乾隆十年重建玉皇閣

關帝廟 在承天觀右

靈濟廟 在關帝廟左錢塘縣志祀唐桑憲保
姚江人行九故俗稱桑九郡王仕唐宣宗時使
海昌卒追封為神宋建炎間助張浚禦金人事
聞建廟明景泰嘉靖間又以治黃河功封王爵
歲久圯萬厯四年重建

寶山 在吳山右麓西湖遊覽志東接石佛山

蘇軾同秦仲二子遊寶山詩平明已報百吏散
半日來陪二子閒立鶴低昂烟雨裏行人出沒

樹林間又竇山新開徑詩藤梢橋刺元無路竹
杖搜鞋不用扶風自遠來間語笑水分流處見
江湖回瞻佛國青螺髻踏遍仙人白玉
壺野客歸時山月上棠梨葉颭禽呼

青霞洞 在寶山奇石錯峙作青霞色

忠義廟 在寶山下俗稱施公廟錢塘縣志祀
宋殿前司小校施全全憤秦檜奸邪悞國懷刀
刺之不中磔於市邦人憐之為立廟明成化十
一年重建大理鄉夏時正為記

寶奎寺 在寶山頂成化杭州府志宋喬行簡

故宅山石奇峭前瞰江流東望海門如在咫尺
理宗書見滄二字刻之石後捨宅為寺元末燬
明成化間重建

百法寺 在寶山下石龜巷西湖遊覽志宋建
炎初建有大佛半身依山鑿石為之名廣潤寺
元改百法趙孟頫書額元末燬明天順間重建
元妙觀 在石龜巷咸淳臨安志唐時為紫極
宮梁開平二年改真聖觀宋天禧二年徙天慶

觀額於此西湖遊覽志元改元妙觀觀後有石
洞最幽靚又有蕉花極盛花時有仙人題詩蕉
葉而去張肅歐陽元揭傒斯皆有真聖觀蕉花
訪仙客題詩處詩

子午泉 在元妙觀武林梵志以泉溢於子午
二時故名

忠節祠 在寶山下萬厯杭州府志祀吳行人
伍員唐僕射褚遂良宋少保岳飛明太傅于謙

弘治十年巡按御史姚燾建忠節坊於今祠之
右歲久坊圯嘉靖十二年巡按御史周汝員即
坊左建祠十七年巡按御史傅鳳翔飭有司歲
祀以仲秋之望

國朝乾隆十一年布政司潘思渠捐俸重建

金地山 在吳山南城隍廟在其上俗稱城隍
山

城隍廟 在金地山西湖遊覽志宋以前在鳳

鳳山紹興九年徙今處額曰永固封保順通惠
侯咸淳間加號輔正康濟廣德顯聖王明洪武
三年正祀典稱城隍之神錢塘縣志成化十年
寢殿火十一年重建萬歷四十五年廟燬邑人
金學曾倡捐重建

國朝康熙六年重修

毛際可謁城隍廟詩縱目吳
山江海寬山頭廟貌肅衣冠

錦衣片紙寬何極碧血千年冷未乾古柏陰森蔽
紺殿蒼苔斑駁上雕欄鶴夷夜湧銀清色長映先
生鐵山下舊有杭州府城隍廟歲久圯乾隆八
而寒

年以右司齋廳改建而以仁和錢塘二縣城隍
祔祀焉

臣謹按祀典山川城隍之神皆有位號而無姓名乃錢塘縣志稱永樂中勅封浙江故按察使周新為城隍神考黃佐周新傳新廣東南海人永樂初為御史彈劾不避權貴人稱冷面寒鐵及按察浙江有異政坐誣死臨刑嘆曰生為直臣死為直鬼吾無憾矣上尋悟其枉他日見有入披朱衣立庭中問為誰曰周新也上帝以臣剛直命為城隍神為陛下治奸貪吏言訖不見據此則杭民崇祀或出於公心未嘗有勅封明文也然以新之聰明正直生既官於茲土歿則主城隍保障生民捍災禦患誰曰不宜

英濟廟 在金地山城隍廟北祀宋司封郎中

兩浙轉運使張夏

詳南山
昭貺廟

國朝加封靜安公

趙恭毅祠 在金地山城隍廟北祀故戶部尚

書浙江巡撫趙申喬康熙間以浙江布政使陞

任巡撫潔己愛民多惠政卒謚恭毅奉

旨入賢良祠民久而不忘乾隆六年建祠祀之

文昌廟 在金地山城隍廟右西湖遊覽志宋

嘉熙間建元末時賜號佑文成化祠後燬明初
重建

國朝康熙二十五年復燬巡撫金鉉重建

火德廟 在金地山城隍廟南西湖遊覽志宋
以火德王故南渡後建廟於此明洪武永樂間
相繼重修今居民禳火者皆就廟中蓋遺俗也
錢塘縣志內有董其昌書坎離既濟額

國朝康熙二十五年重建雍正五年重修

巫峽峯青亭

在火德廟浙江通志廟內有石

筍十二高數丈璫璫瘦削如山峯離立各以象
名曰筆架曰香爐曰碁盤曰象鼻曰玉筍曰龜
息曰盤龍曰劍泉曰牛眠曰舞鶴曰鳴鳳曰伏
虎舊稱巫山十二峯上為斗姥閣雍正六年總
督李衛建亭題曰巫峽峯青

瑞石山

在金地山南巖石上鐫米芾書第一

山

勅建龍神廟 在瑞石山雍正五年

上遣官齋送龍神像於浙

勅封福越滋農龍王浙江總督李衛建祠於大觀臺之
左後建風伯雨師亭歲時祈禱於此有司崇祀
焉

大觀臺 在瑞石山之頂為吳山最高處石址
砥平方廣如削遠眺江潮近挹湖淥羣山環拱
如列屏幃上為亭恭奉

聖祖仁皇帝御製詩勒石正中

見恭紀
名勝

乾隆十六年三月初二日

聖駕南巡親奉

皇太后鑾輿

臨幸大觀臺

御製恭依

皇祖吳山詩韻詩又

御製吳山大觀歌

見恭紀
名勝

臣沈德潛恭和

御製吳山大觀歌元韻

西湖三面名山多我登大觀亭子歌高歌吳山
一峯紫陽頂瓊瓏洞穴疑是千蜂窩青紅金粉
徧祠宇諦視半屬乾陀羅離明有象勢炎赫鎮
以坎卦高崑嵒

以石列坎卦鎮火災也

當年丁仙蛻骨去

野鶴冲舉辭青螺傳聞風清月朗仍到此仙蹤
荒幻誰嗔呵其前羅刹之江江外海一氣洶湧

真無加

叶

泚泚決滂失厓岸倒浸星宿沈羲娥

疑是伍員文種之靈猶鬥戰馳驟白馬驚蛟鼉
壯哉千里決雙背心胷硯礪相盪還相摩枚叔
七發語未暢淋淋白鷺形猶訛題詩青厓終欲
磨何如且登大觀亭子歌高歌

汪王廟

在大觀臺之麓錢塘縣志祀唐節度

使汪華高祖時以保障功封越國公持節歛宣
杭越睦饒六州軍事宋封靈惠公明封廣濟靈

惠王

寶蓮山 在瑞石山東西湖遊覽志與七寶山

接舊有寶蓮寺廢又有寶成寺晉天福中建名
釋迦院宋大中祥符改額寶成有石觀音羅漢
像石壁上刻蘇軾寶成院賞牡丹詩筆勢遒逸
今寺廢而刻石尚在旁有歲寒松竹四字乃成

化間吳東升題

蘇軾詩春風小院却來時壁間
惟有使君詩應問使君何處去

憑君說與春風知年年歲歲何窮已花似去年
人老矣去年崔護若題詩前度劉郎在千里

感花巖 在寶蓮山半清波類志石壁上刻感花巖三字蓋因坡詩而名明楚宗朱術珣題

莫能名齋 萬歷杭州府志在寶蓮山宋浙西安撫司幹辦公事廳四明楊簡有記

青衣洞 在重陽菴後咸淳臨安志相傳昔人行至洞口有青衣童子問之不應良久入洞遂之不見但聞風雨聲股栗而出遂名青衣洞

青衣泉 在青衣洞口西湖遊覽志泉淅淅出

石鐘清鑑毛髮崖壁鐫有唐開成五年道士諸
葛鑑八分書題名傍鐫佛像及大字心經山頂
巨石墜下有石承之若鉅釘然前有石門上橫
石梁壁間皆細字水波紋不知何年泝水至此
宋慶元間韓侂冑賜第寶蓮山下建閱古堂引
泉注之名閱古泉

重陽菴 在金地山之右磬如坊重陽菴志始
自唐開元間道士韓道古結茅以居感青衣童

子出現有泉自洞中出潄而為池歲旱不竭元
大德間西川道士冉無為雲遊至浙觀青衣巖
洞募建三清閣元帝殿嗣天師廣微子書青衣
洞天吳山福地十方大重陽菴十四字刻於石
壁明洪武二十四年立為道院

紫陽山 與瑞石山連錢塘縣志秀石瓊瓏巖
竇窳窳寒泉滴瀝為湖山奧區其勝跡有採芝
巖栽藥圃滌凡池尋真路成道樹松關補衣石

歸雲洞天籟閣紫竹林三台石紫陽亭丁仙亭
坐忘巖隱仙巖瑞石洞飛來石等名

金星洞 在紫陽山

索駝峯 在紫陽卷側峯尤奇峭

薩都拉偕子敬之遊吳山

駝峯紫陽洞詩天風吹我登駝峯大山小山石
璫璫赤霞日射紫瑪瑙白露夜滴青芙蓉飄飄
雲氣穿石屋石上涼風吹紫竹挂
冠何日賦歸來煮石篝燈洞中宿

紫陽洞 在索駝峯之側錢塘縣志傍有巨石

嵌空名飛來石

紫陽菴 在瑞石山下西湖遊覽志宋嘉定間
邑人胡傑居此建集慶堂元至元中道士徐洞
陽改為紫陽菴明正統間重建

國朝雍正十三年總督程元章奉

勅重修乾隆三年布政司張若震建紫陽祠祠西為廊
倚廊望江直對西興乾隆十六年春

聖駕南巡

回鑾舟中補題西湖各景

御製紫陽洞詩

吳山景已佳仙真洞尤奧紫霞每封戶初陽亦委
照奇境固無窮奚必皆親到清遊悉大畧薄旋從
所好重展北門圖又領西湖要

丁仙亭 在紫陽菴內仙人丁野鶴蟬蛻於此
雪風洞 在紫陽菴右萬厯錢塘縣志峯石靈
奇巖竇幽絕儼若神仙之所宮

紫陽書院 在紫陽山下太廟巷兩浙鹽法志

康熙四十二年鹽法道高熊徵捐建書院巡撫
張泰交顏曰紫陽別墅以其地為紫陽山麓適
與新安之紫陽同名遂以別墅別之其中為樂
育堂奉朱子位堂後有簪花閣巢翠亭五雲深
處講堂東為近水樓南宮舫瀛洲榭集民商士
子於此絃誦焉雍正七年重修改巢翠亭為文
昌閣

七寶山 在金地山南即三茅觀址清波類志

觀舊有七寶故名

七寶峯 在七寶山南錢塘縣志為城中觀濤處石壁刻吳山第一峯五字

開寶仁王寺 在七寶山咸淳臨安志仁王院紹興五年建嘉泰間燬僧祖仁重建端平二年尚方鑄鐘以賜淳祐元年賜開寶仁王額景定五年復燬重建

三茅寧壽觀 在七寶山東北西湖遊覽志本

三茅堂宋紹興二十年因汴都舊額遂名寧壽
觀燬於元明洪武初重建

寅賓亭 咸淳臨安志在三茅寧壽觀可見日
出

天妃宮 在三茅觀左錢塘縣志即三仙閣址
祀莆田林都檢女靈衛夫人舊名順濟聖妃廟
江湖一覽亭 在七寶山三茅觀西今圯

三仙閣 在三茅觀內錢塘縣志內塑張三丰

像一立一卧一坐相傳三丰隱於此後圯改建
天妃廟仍塑三仙像於其內以存舊跡

鍾翠亭 在三茅觀南磴道之上明萬厯間司
禮孫隆建

壽春菴 在七寶山麓萬厯杭州府志舊名寶
道院嘉靖中改為漢壽亭侯祠清波類志內有
寶蓮池寶蓮井

定水寺 在七寶山成化杭州府志宋乾道八

年建於萬松嶺嘉定八年移清波門外聚景園側元至元十三年築入城基寺徙今處

通元觀 在七寶山麓西湖遊覽志宋紹興二十九年內侍劉敷建高宗書通元二字額內有壽域樓萬玉軒望鶴亭謁斗壇白鶴泉鹿泉明嘉靖間道士徐道彰重修觀中修竹蔭庭赤日無暑

國朝康熙二十九年重修

清平山 在七寶山南清波類志翠石稜稜竹木森秀下為仁孝坊舊有煙霞閣今廢

開元寺 在清平山西湖遊覽志唐開元中建宋建炎間徙於西湖元季兵燹復徙故址

雲居山 在清平山之西南上有雲居寺故名錢塘縣志城垠亘其上山頂曰楓嶺寺門對雉堞為中峯禪師道場

雲居聖水寺 在雲居山西湖遊覽志本二寺

也雲居者宋元祐間僧了元號佛印建聖水者元貞元間僧明本號中峯建明洪武二十四年併聖水於雲居額曰雲居聖水禪寺

國朝康熙五十三年重修

三佛泉 在雲居聖水寺西湖遊覽志元至大間沙門指月掘地四尋得胥井中有古佛三諸相具足遂塗金事之鄧文原為泉銘

鐵冶嶺 在七寶山後西湖遊覽志元楊維禎

居此自號鐵厓

郭璞井 在鐵冶嶺北錢塘縣志舊傳為璞所
開泉極甘冽居民釀酒煮藥者多汲之

二程子祠 在金剛嶺舊在城西河下

國朝康熙十七年移建於此歲春秋祭

自吳山北迤西至竹園山更折而北過鎮海
樓至佑聖觀為吳山北路

吳山井 在吳山北麓成化杭州府志周四丈

吳越錢氏時韶國師始開此井品其味為錢塘
第一宋淳祐丁未大旱城中諸水皆涸獨此井
日下萬縷如常都人神之安撫趙與憲奏立祠
以旌異之又為亭覆其上杭州府志明洪武七
年浙東參政徐本立石表刻吳山第一泉五字
紀宋遺事於石表之陰復建亭井上井中有五
色大魚數十時出游泳人不敢取成化甲午亭
圯井為瓦礫填委居民病之七修類稿弘治間

參政周木復甃面開五眼至今存樓鑰吳山井

詩錢塘東南

一都會西湖宛在高城外鑿為六井引入城唐
相鄴侯功尚在吳山橫亘城中央左右江湖盡
襟帶寒泉迸溢清且甘發自靈源匪分派天目
兩乳龍鳳來秀氣所鍾此其最海瀕斥鹵潤作
鹹安得一泉獨滂沛四朝駐蹕八十年民聚五
方真衆大抱甕桔裨萬夫汲飛泉仰流筒吸快
大旱不乾澇不溢數里頽肩競分賣入言神龍
宅其下濟物陰功存勝槩川澤固多資灌溉此
井猶能濟闕闕皇家德澤
如此泉福祚與之俱不改

石佛山 在吳山之北西聯寶山南對瑞石西

湖遊覽志舊有大乘石佛寺宋嘉熙間僧鑿石

為三佛元至正間河西僧多爾濟募緣建寺居
之改名智果院

海會寺 在石佛山咸淳臨安志吳越王建名
石佛院宋大中祥符改積善海會寺後廢止存
星宿閣武林梵志元至正間重建明成化十年
燬復建

國朝雍正九年總督李衛增葺凡遇水旱必迎天
竺大士像於此祈禱立應

寶月山 在胥山西坡一名天井山

天井 在寶月山下二老堂雜志臨安府有天井巷莫知所由壬戌歲張循王府災於房廊下掘得古井深五十尺濶丈許水甚清冽井口刻唐清泰二年開今以嘉泰二年復出乃知天井之得名以此

黑龍潭 在安榮坊西湖遊覽志天晴時水色碧綠將雨則先一日變黑故名今訛為烏龍潭

水神廟 在寶月山萬厯杭州府志境內多水災民患已久明萬厯二十五年杭民倡議祀功德之神以鎮之布政使趙欽湯允議建廟祀黃河龍君為浙漕祈福開基闢土忽清泉湧出人咸異之遂名金龍泉在廟之右

蛾眉山 在布政司南東接吳山錢塘縣志與寶月山連彎環若眉故名又與布政司官署對故俗呼官美山又上有宋時糧科院舊稱管米

山其側有八眼井

百獅池 在蛾眉山下布政司前

下有暗溝西通西湖東出水於普濟橋

乾隆十六年三月十二日

聖駕巡幸察視水道遂沿運使河出湧金門回

行宮駐蹕

御製即事詩

水態山光結攬中便途城郭一觀風笙歌正鬧武

林社

時清明次日俗
為武林社之遊

梅石空傳德壽宮柳色含烟

蘸波綠桃花過雨艷春紅吾民樂處吾同樂尚慮

餘三有未充

淺山

在蛾眉山東其側為漾沙坑

螺螄山

在吳山後杭州府志取徑必盤旋曲

折而上故名

竹園山

在府治之西南咸淳臨安志吳山一脈

獨趨而北隱隱隆起山雖不高為府治之主山

竹山閣 在竹園山成化杭州府志宋臨安尹
趙與簾建閣其上平瞰西湖扁曰竹山閣景定
三年安撫魏克愚徙建他處今為民居

鎮海樓 在吳山下西湖遊覽志舊名朝天門

吳越王錢鏐建元至正間平章康里慶童改名
拱北樓明洪武八年改為來遠樓後行省叅政
徐本改名鎮海樓成化十年燬十一年重建吳
山志宋元時貯鐘鼓以司刻漏至今人稱鼓樓

趙孟頫登拱北樓詩城上高樓接太霞今嚴鐘鼓寂無聲提疆內向三千里比屋同封百萬家心在江湖存魏闕身隨牛斗泛星槎
奉頭便覺長安近時倚闌干望日華

望仙橋 咸淳臨安志在德壽宮前

新宮橋 萬厯杭州府志舊名宗陽宮橋

宗陽宮 在新宮橋東西湖遊覽志去吳山東

北五百步宋紹興間望氣者言其地有鬱蔥之祥遂建德壽宮高宗禪位後居之以此宮為北內鑿池引水疊石為山象飛來峯建冷泉亭規

制宏麗咸淳四年以後圍築道宮曰宗陽浙江
通志南關工部分司本宋德壽宮後圍址西有
梅花廳芙蓉石在焉篆曰鐵雲傳是宋德壽宮
舊物傍豎斷碑刻藍瑛畫古梅一本題曰梅石
雙清

乾隆十六年春

聖駕巡幸

御製題德壽宮梅石碑詩

臨安半壁苟支撐遺跡披尋感慨生梅石尚能傳

德壽苔華又見說藍瑛

宋時苔梅久萎藍瑛畫梅鐫於石

一拳雨

後猶餘潤老幹春來不再榮五國風沙埋二帝議

和嬉樂獨何情

佑聖觀

在宗陽宮後西湖遊覽志宋孝宗潛

邸也淳熙二年改為佑聖宮以奉北極佑聖真

君元大德七年燬重建改為佑聖觀蘇伯衡為

記趙孟頫書於石有洗竹亭七葉坡夢雲樓馭

鶴臺吹笙石諸勝元季兵火此觀獨存浙江通志

國初凡遇慶賀節皆於此習儀上供

萬壽龍牌康熙五十二年

欽頒道藏供奉殿內

天一井 在佑聖觀內西湖遊覽志元道士王

景周開東園以居即今錢塘公館是也有泉甘

冽異常以所得開元宮浴鵲池八稜石欄置其

上名天一泉石欄上刻虞集天一泉銘

臣謹按西湖遊覽志叙勝蹟而及城隍者以其地為南北諸山之分脈也宋時於朝天門北去吳山五百步謂有鬱蔥之祥建德壽宮為北內嗣改為宗陽宮後即孝宗潛邸嗣改為佑聖觀隱隱賑賑吳山之脈直趨於此故仍遊覽志叙為吳山北路之殿云

西湖志纂卷九